

Broj:01-02-3-804/15
Sarajevo, 17.06.2015. godine

Z A P I S N I K
2. REDOVNE SJEDNICE PREDSTAVNIČKOG DOMA PARLAMENTA
FEDERACIJE BIH, održane 16.06.2015. godine

Sjednica je počela u 10.29.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, predsjednika i potpredsjednike Federacije BiH, predstavnike Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Amra Haračić, Belma Pojskić i Halid Muhić.

Zapisnik 1. redovne sjednice, uz ispravku Mensuda Borovića a tiče se dijela inicijative koju je podnio, riječ "investiraju" zamijeniti riječju "egzistiraju", jednoglasno je usvojen.

Usljedilo je izjašnjavanje o inicijativama.

Mahir Nurkanović, pokrenuo je inicijativu koja se odnosi na izmjenu člana 40, stav 1. na slijedeći način: iza riječi "ostalih", dodati riječi "niti svi mogu biti iste spolne strukture", a koja nije usvojena (40 glasova za, 13 glasova protiv i uz 21 uzdržani glas).

Jasna Duraković Hadžiomerović pokrenula je inicijativu, kojom traži da Federalno ministarstvo obrazovanja i nauke, koje odobrava sredstva za realizaciju projekta, predvidi procedure u skladu sa zahtjevima projekta i obaveže obrazovne institucije "putem kojih se doznava sredstva za određene projekte", da se moraju pridržavati zakonskih akata i procedura navedenih u projektu, te da svojim zahtjevima ne ometaju realizaciju projekta, a koja nije usvojena (32 glasa za, 10 glasova protiv i uz 31 uzdržani glas).

Druga inicijativa Jasne Duraković, kojom traži da se oformi služba za odnose sa javnošću i koncipira, uskladi, usvoji i implementira predloženi pravilnik o radu službe za odnose sa javnošću koja će u narednom mandatnom periodu biti uvrštena kao sastavni dio/dodatni član općih odredbi tačke 4. Javnost rada Poslovnika o radu Predstavničkog doma Parlamenta Federacije BiH, nije usvojena (24 glasa za, osam glasova protiv i uz 27 uzdržanih glasova).

U ime Kluba zastupnika SDP-a, Elvir Karajbić pokrenuo je inicijativu.

Sa 51 glasom za, pet glasova protiv i uz 19 uzdržanih glasova, usvojena je slijedeća:

INICIJATIVA

za formiranje Privremene komisije za ispitivanje zakonitosti plasmana kredita u švicarskim francima. Zadatak ove komisije bio bi da utvrdi činjenično stanje o plasiranju kredita u švicarskim francima i sačini izvještaj o eventualnim nezakonitostima i dostavi ga u oba doma Parlamenta Federacije BiH, Vladi Federacije BiH i nadležnom tužilaštvu.

Uime Kluba zastupnika SDP-a, Elvir Karajbić pokrenuo je još jednu inicijativu.

Sa 56 glasova za, 11 glasova protiv i uz 13 uzdržanih glasova, usvojena je slijedeća:

INICIJATIVA

za održavanje sjednice Predstavničkog doma na kojoj će se prioriteto rasparavljati o sigurnosnom stanju u Federaciji BiH.

Usljedilo je izjašnjavanje o dobivenim odgovorima.

Dobivenim odgovorima zadovoljni su ili djelimično zadovoljni: Munib Jusufović, Šemsudin Kavazović, Rusmir Mesihović, Azra Hadžić i Bahrudin Hadžiefendić.

Sead Jusić odgovor nije dobio, te se o njemu ne može izjasniti. Dennis Gratz kazao je da nije dobio odgovor. Mensud Borović također nije dobio odgovor. Nasir Beganović izrazio je nezadovoljstvo jer mu iz direkcije Autocesta nije odgovoreno na postavljeno pitanje. Također, kazao je da na pitanja koja je postavio predsjedniku Federacije i njegovim zamjenicima kao i članovima Vlade nije dobio odgovore. Damir Mašić nije zadovoljan odgovorom kojeg je dobio od Agencije za predškolsko, osnovno i srednje obrazovanje, a tiče se nacionalne strukture zaposlenih, te traži da mu se odgovor dostavi. Vesna Švancer nije u potpunosti zadovoljna odgovorom, a na neka pitanja nije dobila odgovore. Međutim, izrazila je zadovoljstvo zbog početka rada Komisije za izbjegla i raseljena lica. Mahir Nurkanović nije u potpunosti zadovoljan sa odgovorima na postavljena pitanja u vezi Zakona o sportu, kao i u vezi inicijative Federalnom ministarstvu prostornog uređenja, koja se odnose na stanove za mlade, te je dao kratke komentare. Slavica Josipović osvrnula se na pitanje koje je postavila Civilnoj zaštiti. Ponavlja pitanje direktoru Civilne zaštite, traži da joj se dostavi nacionalna struktura uposlenih u Civilno zaštiti Federacije BiH. Također, ponavlja pitanje - traži da joj se dostavi, u periodu 2010.-2015. godine broj uposlenih, nacionalna struktura kao i sve promjene koje su se dešavale u ovom periodu a odnose se i na broj penzionisanih i primljenih, preraspodjelu unutar ovog sektora i promjene nadležnosti unutar ovog sektora. Ponavlja pitanje upućeno ministru prometa i komunikacija, vezano za cestarinu. Treće pitanje također ponavlja a vezano je za stipendije studenata po konkursu Autocesta Federacije BiH. Jasmina Zubić komentirala je pitanje koje je postavila Ministarstvu za ljudska prva i izbjeglice BiH, a tiče se počinjenih djela diskriminacije, a kojim nije zadovoljna. Kazala je da nije dobila odgovore na dva pitanja, prvo koje se odnosi na donošenje Zakona o šumama i drugo upućeno Vijeću ministara a odnosi se na izradu preporuka i plana za smanjenje diskriminacije u oblasti mobinga i obrazovanja. Zukan Helez komentirao je odgovor koji je dobio od PIO-a. Jasna Duraković Hadžiomerović izrazila je nezadovoljstvo neusvajanjem inicijative koju je podnijela a odnosi se na formiranje PR službe Predstavničkog doma Parlamenta Federacije BiH. Traži da se zastupnici

pojedinačno izjasne o ovoj inicijativi. Mehrudin Švago kazao je da nije dobio dva odgovora postavljena premijeru i ministrici finansija vezana za reviziju Budžeta iz 2013. godine.

Kasim Mulalić traži da se Dom izjasni o inicijativi koju je podnio na prošloj sjednici a odnosi se na izmjenu Odluke o kategorizaciji cesta u autoceste, brze ceste, magistralne ceste i regularne ceste broj 464/2015 od 20.03.2014.

Enver Merdić kazao je da na dva pitanja nije dobio odgovor.

Zastupnička pitanja

Emina Mutap prvo pitanje uputila je Vladi Federacije BiH, Federalnom ministarstvu prometa i komunikacija, Federalnom ministarstvu okoliša i turizma i Javnom preduzeću Autoceste Federacije BiH – u kojoj fazi realizacije je rješavanje postojećeg problema oko priključenja na Koridor Vc u Općini Jablanica?

Drugo pitanje upućuje preko Vlade Federacije BiH instituciji Ombudsmena za ljudska prava BiH, a tiče se Zakona o ombudsmanima, koji je donesen 2000-te godine i u tom periodu se četiri puta mijenjao, te još nije sačinjen prečišćeni tekst.

Kunovac Amra traži da joj se do naredne sjednice odgovori na pitanje, šta je sa Zakonom o državljanstvu Federacije BiH? Da li se pristupilo fazi harmonizacije sa Zakonom na državnom nivou?

Drugo pitanje – kada će biti imenovana Komisija za vrijednosne papire Federacije BiH, budući da je sadašnja Komisija bez mandata od 2009. godine?

Đogić Elma pitanje je uputila Vladi Federacije BiH i Federalnom ministarstvu energije, rudarstva i industrije. U uvodu je između ostalog kazala da je Federalno ministarstvo energije, rudarstva i industrije u 2012. godini dodijelilo finansijska sredstva privrednim društvima na kreditnoj osnovi sa povoljnom kamatnom stopom. Sredstva su dobila slijedeća preduzeća: Brojler d.o.o Sarajevo, Tekstilna industrija d.o.o. Mostar, Faik d.o.o. Novi Travnik, Suman d.o.o. Gračanica, Ziko d.o.o Zavidovići, Makama d.o.o Bugojno, Unis Ginex d.d. Goražde, Variplast d.o.o Gračanica, Ferky d.o.o., MS & Wood d.d. Sarajevo, Mip d.o.o Mostar, Ferro Keš d.o.o Mostar, Metacomm d.o.o. Jajce, Unisgal d.d. Konjic i Index d.o.o Gračanica. Da li još posluju nabrojana preduzeća? Koliki je broj zaposlenih u tim preduzećima a koliki je bio u trenutku prijenosa sredstava? Da li se dodijeljena sredstva moraju namjenski utrošiti ili postoje određena izuzeća? Da li postoji izvještaj o implementaciji ovih sredstava, te traži dostavu istog.

Drugo pitanje upućeno je Vladi Federacije BiH – koliko je sredstava po izdavanju GSM licence prikupljeno u 2013. i 2014. godini, koliko je raspoređeno po kantonima u 2013. i 2014. godini, koji su iznosi i koji su projekti finansirani u 2013. i 2014. godini iz izdvojenih sredstava GSM licence na području Unsko-sanskog kantona i u kojim iznosima?

Boro Krišto pitanje je uputio Upravi Javnog preuzeća Elektroprivrede HZHB i Upravi HT Mostar - traži informaciju o broju uposlenih i u Elektroprivredi HZHB i u HT Mostar po kantonima i općinama koje se nalaze u tim kantonima (Hercegovačko – neretvanjski kanton, Zapadno-hercegovački kanton, Herceg-bosanski, Srednjo-bosanski i Posavski kanton).

Alma Kratina inicijativu je pokrenula prema Vladi Federacije BiH i resornom ministarstvu, kojom traži da se istraži i riješi problem u pristupu informacijama o plaćanjima poreza i doprinosa u Poreznoj upravi Federacije BiH, koji su najčešće posljedica nezadovoljavajućeg softvera za unos i praćenje podataka o plaćenim porezima i doprinosima.

Pokrenula je još jednu inicijativu prema Vladi Federacije BiH i resornom ministarstvu, za finansiranje rekonstrukcije puta MZ Vozuća prema manastiru "Svete trojice", čija se rekonstrukcija nalazi u završnoj fazi.

Pitanje je uputila Federalnom ministarstvu finansija – kada će biti uplaćen iznos od 1.125.00 KM za penzionisane radnike Krivaje (njih 58), rok za uplatu bio je šest mjeseci, od dana potpisivanja ugovora, a do danas iznos nije uplaćen, te ljudi ne mogu ostaviti pravo na penziju.

Mahir Mešalić pokrenuo je inicijativu prema Vladi Federacije BiH za izmjene i dopune Zakona o stečajnom postupku Federacije BiH ("Službene novine Federacije BiH", br. 29/03,32/04,42/06).

Druga inicijativa također, prema Vladi Federacije BiH i Federalnom ministarstvu unutrašnjih poslova da se ispituju sve saobraćajne nesreće sa smrtnim ishodom u posljednjih pet godina i dostave informaciju o sankcijama i njihovim realizacijama.

Prvo pitanje kojim od Vlade Federacije BiH, resornog ministarstva i J.P. Elektroprivrede BiH, traži informaciju koliko je novih ugovora o radu potpisano u Termoelektrani Tuzla i elektrodistribucijama na području Tuzlanskog kantona od 01.01.2015. godine, te da mu se dostavi informacija koliko uposlenika radi na odjeljenju Bloka 7, zajedno sa imenima i specifikacijama radnih mjesta.

Drugo pitanje traži informaciju od BH Telekoma i HT Eroneta, koliko su sredstava i kojim subjektima dodjelili po osnovu donacija sponzorstva ili drugih ugovora u 2013. i 2014. godini i polovinom 2015. godine?

Treće pitanje – traži od Vlade Federacije BiH informaciju o načinu raspodjele sredstava po osnovu javnih prihoda sa detaljnim pokazateljima koliko koji kantoni uplaćuju poreza i koliko im se vratilo u posljednjih 10 godina za svaku godinu pojedinačno.

Četvrto pitanje da mu se dostavi od premijera informacija da li je Vlada Federacije BiH u prethodnom sazivu uputila pismo preporuke prema MMF-u u kojem se obavezala na donošenje novog Zakona o radu i ukidanju kolektivnih ugovora?

Peto pitanje – traži od MUP-a informaciju ili potvrdu da trenutno postoji oko 90 miliona KM nenaplaćenih kazni iz oblasti saobraćajnih prekršaja.

Šesto pitanje – traži od Federalnog ministarstva pravde da dostavi informaciju, koliko je osoba pravosnažno osuđeno za korupciju u Federaciji BiH sa imenima i prezimenima osuđenika i kaznama?

Sanel Razić pitanje je uputio Federalnom ministarstvu finansija – traži informaciju u vezi sa provedenim aktivnostima koje se temelje članom 9. Zakona o internoj reviziji u javnom sektoru Federacije BiH a u vezi sa članom 86. Zakona o budžetima. U tekstu Zakona jasno se navodi koje općine i gradovi u Federaciji BiH su obavezni na postupanje (njih ukupno 30). Obzirom na rokove definisane ovim Zakonom pita – koje od pobrojanih općina su postupile u skladu sa navedenim zakonskim propisima, koje nisu i zašto, te koje su dalje aktivnosti Federalnog ministarstva po ovom pitanju?

Šemsudin Kavazović ponovo pita ministra poljoprivrede, vodoprivrede i šumarstva zašto nisu isplaćeni poticaji, budući da ih proizvođači mlijeka još nisu dobili?

Ilhan Bušatlić prvo pitanje uputio je predsjedniku Federacije BiH – nakon jučerašnjeg prihvatanja ostavke ministra Reufa Bajrovića da li je sadašnja Vlada Federacije BiH ustavna? Po kojoj osnovi je predsjednik prihvatio samo jednu ostavku, a ne i ostalih ministara koji su podnijeli neopozive ostavke?

Drugo pitanje uputio je Federalnom ministarstvu unutrašnjih poslova i Federalnoj upravi policije – u Bugojnu je sigurnosna situacija ugrožena, te traži da učine nešto da zaštite građane Bugojna i njihovu imovinu. Pita da li je moguće rješavanje ove problematike?

Almir Zulić uputio je inicijativu prema Vladi Federacije BiH a odnosi se na Zakon o profesionanoj rehabilitaciji, osposobljavanju i zapošljavanju lica sa invaliditetom. Smatra da je ovaj Zakon destimulativan za nova zapošljavanja, jer u BiH uz najveću stopu nezaposlenih u Evropi i Balkanu, najveće izdvajanje iz plaća prevelika fiskalna i parafiskalna izdavanja, također utječu na odlazak stranih investitora u zemlje našeg bližeg okruženja ili neke zemlje EU.

Suzana Franka-Galić kazala je da je inicijativu dostavila u pisanoj formi. Što se tiče pitanja, zanima je koji su problemi u provedbi Zakona o proizvodnji i zaštiti autohtonih sireva u BiH? Traži od Doma da donese zaključak da se Vijeću ministara da preporuka za usvajanje ovog prijedloga po hitnom postupku, kako bi se proces zaštite i standardizacije proizvodnje tradicionalnih domaćih proizvoda u što kraćem vremenskom periodu mogao pokrenuti i zaštititi, te podići kvalitetu i konkurentnost proizvodnje livanjskog, vlašićkog, travničkog i hercegovačkog sira iz mjeha i drugih. Ovo bi omogućilo bosanskohercegovačkim proizvođačima plasman proizvoda u EU i otvaranje novih radnih mjesta.

Dževad Adžem kazao je da ima dva pitanja, a jedno će uputiti u pisanoj formi.

Pitanje je vezano za Informaciju o unutarnjem i vanjskom dugu Federacije BiH na dan 31.12.2013. godine a koja je na 1. redovnoj sjednici ovog Doma primljena k znanju. Ministrici finansija Jelki Milićević postavlja pitanje u vezi sa unutrnjim i vanjskim dugom kantona u Federaciji BiH. Interesira ga: Stanje vanjskog duga Bosansko-podrinjskog kantona na dan dostavljanja Informacije sa pregledom preostalih rata i rokova otplate; Kopije saglasnosti Skupštine Bosansko-podrinjskog kantona na kreditno zaduženje i kopije ugovora potpisanih od strane premijera Bosansko-podrinjskog kantona; Pojašnjenje o kreditu MMF-a i reprogramu duga potpisanom od strane premijera Bosansko-podrinjskog kantona i ministra finansija Vlade Federacije BiH iz decembra 2013. godine.

Jasmin Kadić pitanje je uputio Federalnom ministarstvu energije rudarstva i industrije, Javnom preduzeću Elektroprivreda BiH – kada se može očekivati konačan izbor najpovoljnije ponude po objavljenom međunarodnom tenderu za izgradnju Hidroelektrane Vranduk, snage 19,56 MW, budući da su zvanične ponude predate i otvorene još 11.11.2014. godine? Koji su problemi u realizaciji predmetnog tendera?

Inicijativu je pokrenuo prema Federalnom ministarstvu energije rudarstva i industrije i Federalnoj upravi za inspeksijske poslove, a odnosi se na izvršenje vanrednog inspeksijskog nadzora nad provođenjem Zakona o rudarstvu Federacije BiH (“Službene novine Federacije BiH”, broj 26/10) i Zakona o koncesijama Federacije BiH (“Službene novine Federacije BiH”, broj 40/02) u oblasti eksploatacije tehničko-građevinskog i arhitektonsko-građevinskog kamena.

Dennis Gratz osvrnuo se na događanja, nesreće i ugrožavanje ljudskih života u saobraćaju, i smatra da je neophodna izmjena Zakona o osnovama sigurnosti saobraćaja na putevima u BiH. Smatra da je potrebno pooštriti kazne u slučaju zloupotrebe motornih vozila posebno od strane mlađih vozača. U tom smislu inicira da resorni ministar izmjeni važeći Zakon o osnovama sigurnosti saobraćaja na putevima u BiH iz 2006. godine. Svoj prijedlog upućuje strankama koje imaju svoje predstavnike u državnom parlamentu, odnosno resornom ministru, kako bi trenutno važeći Zakon izmjenio po skraćenom postupku, kako bi se ova inicijativa mogla realizirati. U svojoj inicijativi naveo je prijedloge: - trajno oduzimanje vozila osobama

koje ne posjeduju vozačku dozvolu kao i onima koji imaju više od 2 promila alkohola u krvi, - smanjiti dozvoljenu količinu alkohola u krvi sa 0,3 na 0 promila, i pooštriti kazne po ovom pitanju; - uvesti umjesto naljepnica P probne vozačke dozvole za vozače mlađe od 21 godinu, odnosno one koji su tek položili vozački ispit, na period od dvije godine; - zabraniti upravljanje motornim vozilom onih lica koja imaju probnu vozačku dozvolu od 23 do 6 ujutro za vrijeme posjedovanja iste; - inovirati sistem kaznenih bodova;- mlađim vozačima ograničiti upravljanje vozilima čije performace ne prelaze 75 konjskih snaga.

Damir Mašić prvo pitanje uputio je predsjedavajućoj Doma naroda Lidiji Bradari – zbog čega se svjesno u Domu naroda zadržavaju zakoni koji su u određenoj fazi prošli procedure Predstavničkog doma, čime se blokira njihovo usvajanje?

Drugo pitanje uputio je federalnoj ministrici finansija - traži informaciju kojeg datuma su pojedina ministarstva koja su tražila mišljenje Federalnog ministarstva finansija za Program utroška sredstava dobila pozitivna mišljenja, te zbog čega je procedura trajala po više od šest nedjelja?

Komentirao je i vezano za rukovodstvo Doma i grešku učinjenu oko sazivanja tematske sjednice po pitanju Izvještaja o stanju zaštite majke i materinstva na području Federacije BiH.

Mahir Nurkanović kazao je da ima pripremljenih devet pitanja. Želeći da doprinese efikasnijem radu Doma, sva pitanja uputit će u pisanoj formi.

Esad Bašagić prvo pitanje uputio je Institutu za procjenu radne sposobnosti Federacije BiH i resornom ministarstvu – budući da nadležna Komisija u Unsko-sanskom kantonu dolazi iz Tuzle i Sarajeva i vrši ocjenu radne sposobnosti i invalidnosti građana a u velikoj mjeri i boraca, pita – koliko je korisnika ostvarilo svoje pravo na penziju u proteklih godinu dana u Unsko-sanskom kantonu, a koliko u ostalim kantonima u Federaciji?

Drugo pitanje za J.P. Ceste Federacije BiH – rukovodstvo Cesta boraveći u Bihaću najavilo je određena ulaganja u putnu infrastrukturu na području Unsko-sanskog kantona. Postavio je pitanje – šta je planirano od putne infrastrukture i u kojem vremenu će se realizirati? U kojoj fazi je realizacija planiranih aktivnosti i kada je rok za početak izvođenja eventualnih radova?

Slavica Josipović kazala je da je u prošlom mandatu postavljala pitanja nadležnim, šta je sa izgradnjom brze ceste Lašva – Donji Vakuf? Predlaže da premijer i ministar prometa i komunikacija zajedno sa vladom Srednjo-bosanskog kantona i načelnicima općina u srednjoj Bosni organizuju hitan sastanak i da se pokrene pitanje, odnosno konačno izradi projekat i izgradnja ove brze ceste, budući da se nalazi i po prioritetu Evropske komisije.

Drugo pitanje uputila je Tužilaštvu a vezano je za zločin učinjen nad petnaestoro djece u Vitezu, od kojih je osam poginulo od ispaljene granate, a do danas niko za to nije odgovarao.

Naredno pitanje odnosi se na sigurnost zastupnika u sali Parlamenta Fedearcije BiH, te pitanje upućuje Službi sigurnosti.

Zana Marjanović pokrenula je inicijativu za isplatu sredstava prema Odluci o usvajanju programa utroška sredstava s kriterijima raspodjele sredstava tekućih transfera utvrđenih Budžetom Federacije BiH za 2015. godinu Federalnog ministarstva obrazovanja i nauke (“Službene novine Federacije BiH”, broj 40 od 27.05.2015. godine).

Prvo pitanje uputila je Federalnom ministarstvu kulture i sporta – ima informaciju da je Program utroška sredstava za 2015. godinu u pripremi a što je

važno za institucije nauke i kulture, kada planiraju donijeti navedeni program i kada planiraju isplatiti sredstva?

Drugo pitanje uputila je Vladi Federacije BiH – kako je moguće da Predstavnički dom Parlamenta Federacije BiH nije obavješten o sadržaju Reformske agende; Zašto se nije o ovako važnom pitanju raspravljalo na tematskoj sjednici i kakav je odnos Vlade prema Parlamentu i zastupnicima?

Mensud Borović pokrenuo je inicijativu za izmjenu i dopunu Zakona o penzijskom i invalidskom osiguranju u Federaciji BiH s ciljem da se poseban staž iz člana 94. navedenog Zakona za lica koja su učestvovala u odbrani BiH može koristiti kao osnov za odlazak u penziju isključivo na njihov zahtjev, odnosno na osnovu izjave nosioca prava na poseban staž, bez obzira da li je poseban staž upisan u radnu knjižicu, evidentiran kod Zavoda PIO ili je evidentiran u drugim javnim ispravama, registrima ili evidencijama i da poseban staž ne može protiv volje nosioca prava na taj staž služiti kao osnov za donošenje rješenja o prestanku radnog odnosa zbog odlaska u penziju.

Pitanje je uputio JP Ceste Federacije – koliko je sredstava predviđeno Planom i programom JP Ceste Federacije BiH za radove na magistralnoj cesti M18.1 Ustikolina – Trnovo u 2015. godini i kada će biti okončani radovi na pomenutoj putnoj komunikaciji koja je jedina cestovna veza Bosansko-podrinjskog kantona sa Kantonom Sarajevo, teritorijom Federacije BiH a koja je odlukom Vlade Federacije BiH od 08.08.2007. godine o razvrstavanju ove javne ceste u kategoriji magistralne ceste data u nadležnost J.P. Ceste Federacije BiH?

Bahrudin Hadžiefendić prvo pitanje uputio je Federalnom ministru unutrašnjih poslova, od kojeg raži Izvještaj o bezbjednosnoj situaciji u Federaciji BiH, sa posebnim osvrtom na Izvještaj o kretanju i djelovanju pojedinih ekstremnih grupa, te šta se radi na spriječavanju odlazaka istih na strana ratišta a sve sa posebnim osvrtom na nemile događaje u Zvorniku kada je napadnuta Policijska stanica, odnosno drugim riječima napadnuta država a da pri tome niko nije sazvaio vanrednu sjednicu Parlamenta FBiH na kojoj bi se raspravljalo o ovom velikom bezbjedonosnom problemu.

Drugo pitanje uputio je Federalnom ministarstvu prometa i komunikacija – u kojoj fazi je izgradnja puta Tuzla – Sarajevo, tačnije zaobilaznica planinskog prijevoja Karaula? Kojim tempom teku radovi i kada se očekuje završetak iste dionice i šta građani Tuzle i TK dobivaju sa tim putom, budući da nisu informirani o eventualnim pogodnostima koje će imati a koje skupo koštaju?

Treće pitanje uputio je premijeru i Vladi Federacije BiH a tiče se enormnog dugovanja Vlade Federacije BiH prema Federalnom fondu solidarnosti a koje do danas iznosi 611.000.000 KM. Da li će premijer i Vlada konačno početi poštovati odredbe Zakona o zdravstvenom osiguranju i uplaćivati sredstva koja su obavezna uplatiti a to znači srazmjerno sredstvima koja se prikupljaju putem doprinosa od građana i poslodavaca, jer se samo tako može pomoći teško oboljelima kako ne bi morali skupljati novac za liječenje u kutije koje vidimo na svakom koraku i u svim gradovima u BiH.

Pitanje je postavio i Federalnom ministarstvu prometa i komunikacija – da li se išta planira uraditi na poboljšanju jačine signal BH Telekoma na relaciji puta Tuzla – Sarajevo posebno rejon Kladanj, planinski prijevoj Karaula i Stupari?

Kenela Zuko pitanje je uputila Federalnom ministarstvu za poljoprivredu, vodoprivredu i šumarstvo, kojim traži detaljnu informaciju kako su potrošena sredstva u iznosu od million KM a koja su Budžetom za 2014. godinu izdvojena za žene poduzetnice?

Dževad Hodžić traži od Vlade Federacije BiH da Predstavničkom domu po mogućnosti do naredne sjednice dostavi listu službenih automobila kojima raspolaže, odnosno koje koristi Vlada Federacije BiH, njena ministarstva, uprave javnih preduzeća, agencije i institucije i kako se zovu i to u jednom analitičkom pregledu prema vrsti vozila i godini proizvodnje?

Salmir Kaplan pitanje je uputio Cestama Federacije BiH d.o.o. Mostar – šta se poduzelo do sada na izgradnji ceste Stolac - Neum, te da mu se dostave konkretni koraci i konkretne mjere šta se treba uraditi?

Drugo pitanje uputio je Ministarstvu vanjski poslova BiH a odnosi se pravni teror Republike Srbije prema našim državljanima.

Najavio je pokretanje inicijative prema Tužilaštvu BiH kojom će predložiti da se odrede neke mjere protiv ratnih podstrekača, naglasivši i ratnu ulogu premijera Srbije Aleksandra Vučića.

Jasna Duraković – Hadžiomerović pokrenula je inicijativu kojom traži da ombudsmeni daju konkretan prijedlog ili plan mjera za iznalaženje efikasnijih mehanizama odlučivanja po zahtjevu stranke za izuzeće Centra za socijalni rad koji bi spriječili i sankcionirali kršenje prava djeteta u sudskim postupcima tj. u slučajevima konfliktnih razvoda (kojih je sve više na sudovima u Federaciji BiH).

Druga inicijativa kojom predlaže da u svrhe transparentnijeg informiranja javnosti o radu Parlamenta Federacije BiH, RTV Federacije, čiji je osnivač Federalni parlament, uživo prenosi sjednice oba doma, dakle Doma naroda i Predstavničkog doma. Parlament Federacije BiH nužno mora dobiti medijski prostor koji zaslužuje.

Pitanja je uputila Federalnom ministarstvu obrazovanja i nauke, odnosno ministrici Dilberović: da li je Ministarstvo analiziralo problem komuniciranja škola sa javnošću?; Postoje li izvještaji, kakvi su rezultati tog izvještaja i koje su preporuke?; Ako Ministarstvo nije analiziralo ovaj problem zašto nije i ima li u planu u narednom periodu?; Da li Federalno ministarstvo obrazovanja i nauke vrši nadzor, prati aktivnosti i komunikacije škola sa javnošću, posredstvom web stranice, facebook profila, izjave nastavnika za dnevne novine i slično?; Prema dostupnim informacijama u sistematizaciji radnih mjesta ne postoji osoba koja je zadužena za PR-a. Pita Federalno ministarstvo obrazovanja i nauke – ko bi trebao obavljati ovaj dio posla u školama?

Mira Ljubijankić kazala je da su zastupnici sa prostora Unsko-sanskog kantona pokrenuli je inicijativu za projektovanje i asvaltiranje adekvatnih putnih prilaza najatraktivnijih destinacija u Nacionalnom parku Una.

Drugo, istakla je problem saobraćaja sa kojim se suočavaju stanovnici Unsko-sanskog kantona, te da se ponovo uvede putnički saobraćaj na relaciji Bihać-Bosanski Novi, Bosanski Novi-Bihać, Bihać-Sarajevo, Sarajevo-Bihać, te u ime 3000 hiljade građana Unsko-sanskog kantona da se što prije uspostavi željeznički saobraćaj.

Prijedlog dnevnog reda zastupnici su dobili uz poziv za sjednicu.

Prije diskusija o dnevnom redu, predsjednik Kluba zastupnika SBB-a, Nasir Beganović tražio je da se predsjednik Federacije BiH Marinko Čavara i premijer Vlade Federacije BiH Fadil Novalić, obrate zastupnicima kako bi se razjasnila situacija u Vladi i situacija u vezi parlamentarne većine.

U diskusiji su učestvovali: Damir Mašić, Safet Kešo, Salem Halilović, Azra Hadžiahmetović, Boro Krišto, Ismet Osmanović, Jozo Bagarić, Elvir Karajbić, Sead

Jusić, Dženan Đonlagić, Munib Jusufović, Nermin Nikšić, Slavica Josipović, Salem Halilović, Dževad Hodžić, Ivan Musa, Dennis Gratz i Nasir Beganović.

Nakon diskusija, predsjednik Federacije BiH Marinko Čavara obratio se zastupnicima.

Prijedlog zakona o izmjenama i dopunama Zakona o stranim ulaganjima predložen je da se razmatra po hitno postupku, a što nije usvojeno (38 glasova za, 33 glasa protiv i uz 18 uzdržanih glasova).

O prijedlozima za povlačenje određenih tačaka sa dnevnog reda koje je predložila zastupnica Azra Hadžiahmetović nije se izjašnjavalo, budući da se ovlašteni predlagači nisu odredili po tom pitanju.

Predsjedavajući je pozvao zastupnike da se izjasne o dnevnom redu današnje sjednice koji glasi:

DNEVNI RED

1. Prijedlog zakona o izmjeni Zakona o utvrđivanju i ostvarivanju potraživanja građana u postupku privatizacije – skraćeni postupak,
2. Prijedlog zakona o izmjenama Zakona o tržištu vrijednosnih papira – skraćeni postupak,
3. Prijedlog zakona o izmjenama Zakona o jedinstvenom sistemu registracije, kontrole i naplate doprinosa – skraćeni postupak,
4. Prijedlog zakona o izmjenama Zakona o čeku – skraćeni postupak,
5. Prijedlog zakona o izmjenama Zakona o plaćama i naknadama u organima vlasti FBiH, predlagač: Klub zastupnika SBB-a – skraćeni postupak,
6. Prijedlog odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta “Obnovljiva energija HE Vranduk” ,
7. Prijedlog odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta “Električna distribucija BiH (2010-0562) – izgradnja sistema pametnih mjerenja u elektrodistribuciji” ,
8. Prijedlog odluke o alokaciji obaveza po kreditu Kuvajtskog fonda za razvoj 535 – Projekat četiri ceste i most Musala na FBiH (sa Informacijom o statusu kredita),
9. Prijedlog odluke o prihvatanju zaduženja po Sporazumu o finansiranju između BiH i Međunarodne asocijacije za razvoj (IDA) za realizaciju Projekta energetske efikasnosti,
10. Prijedlog odluke o davanju saglasnosti na Odluku Upravnog odbora Zavoda za zbrinjavanje mentalno invalidnih osoba – Drin,
11. Prijedlog Finansijskog plana – Budžeta FERK-a za 2015. godinu,
12. Program javnih investicija FBiH 2015. – 2017. godine,
13. Izvještaj o dinamici Projekta izgradnje autoceste na Koridoru Vc br. 17 zaključno sa 30.06.2014. godine koji se finansira iz međunarodnog kredita EIB i EBRD, a koji je Vladi FBiH dostavilo Javno preduzeće Autoceste FBiH d.o.o. Mostar,
14. Izvještaj o radu i poslovanju JP EP HZHB d.d. Mostar, JP EP BiH d.d. Sarajevo i BH Gas d.o.o. Sarajevo za 2013. godinu,
15. Izvještaj Visokog sudskog i tužilačkog vijeća BiH za 2013. godinu,

16. Izvještaj o radu Federalnog pravobranilaštva za 2013. godinu,
17. a) Godišnji izvještaj o rezultatima aktivnosti Institucije ombudsmena za ljudska prava BiH za 2013. godinu,
b) Godišnji izvještaj o rezultatima aktivnosti Institucije ombudsmena za ljudska prava BiH za 2014. godinu,
18. a) Izvještaj o stanju u poljoprivredi u 2013. godini u FBiH (Zeleni izvještaj),
b) Izvještaj o stanju poljoprivrede (Zeleni izvješta) u FBiH za 2014. godinu,
19. Izvještaj o implementaciji Programa razvoja zaštite i spašavanja ljudi i materijalnih dobara od prirodnih i drugih nesreća u FBiH za period 2007. – 2011. godine,
20. Informacija o poduzetim aktivnostima Vlade FBiH, federalnih ministarstava, federalnih uprava i federalnih upravnih organizacija na saniranju posljedica prirodne nesreće u FBiH za period maj – august 2014. godine,
21. Informacija o implementaciji projekata u FBiH za 2013. godinu,
22. Informacija o ratnim potraživanjima,
23. Izbori i imenovanja

Na osnovu rezultata glasanja, sa 38 glasova za, 42 glasa protiv i uz 10 uzdržanih glasova nije usvojen dnevni red.

Nakon glasanja o dnevnom redu, predsjednik Kluba zastupnika SDA Ismet Osmanović, u ime Kluba zatražio je pauzu od pola sata i sazivanje Kolegija Doma.

Pauza pola sata.

Nakon pauze nastavilo se sa radom. Ismet Osmanović, u ime Kluba obrazložio je razloge pauze, te između ostalog naglasio da je smatrao za potrebnim da Kolegij Doma zasjeda još jedanput, kako bi se razmotrila situacija. Predložio je predsjedavajućem da se zastupnici pojedinačno izjave o dnevnom redu.

Usljedio je pojedinačno izjašnjavanje o dnevnom redu.

Na osnovu pojedinačnog izjašnjavanja, sa 38 glasova za, 46 glasova protiv i uz jedan uzdržani glas, nije usvojen dnevni red 2. redovne sjednice Predstavničkog doma Parlamenta Federacije BiH

Predsjedavajući je zaključio rad sjednice u 15.01.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Daniela Čegar

Edin Mušić